

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2018թ.

N----Ա

Ո Ր Ո Շ ՈՒ Մ

**ԵՎՐՈՊԱԿԱՆ ՄԻՈՒԹՅԱՆ «ՀԱՄԱՅՆՔԻ ՂԵԿԱՎԱՐՆԵՐ ՀԱՆՈՒՆ
ՏՆՏԵՍԱԿԱՆ ԶԱՐԳԱՑՄԱՆ» ՆԱԽԱՁԵՌՆՈՒԹՅԱՆԸ ՄԻԱՆԱԼՈՒ ՄԱՍԻՆ**

Հիմք ընդունելով «Տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 2-րդ կետը, «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 33-րդ կետը՝

Երևան քաղաքի ավագանին որոշում է՝

1. Համաձայնություն տալ միանալու Եվրոպական Միության «Համայնքի ղեկավարներ հանուն տնտեսական զարգացման» նախաձեռնությանը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՎՐՈՊԱԿԱՆ ՄԻՈՒԹՅԱՆ «ՀԱՄԱՅՆՔԻ ՂԵԿԱՎԱՐՆԵՐ ՀԱՆՈՒՆ ՏՆՏԵՍԱԿԱՆ ԶԱՐԳԱՑՄԱՆ» ՆԱԽԱԶԵՌՆՈՒԹՅԱՆԸ ՄԻԱՆԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

«Համայնքի ղեկավարներ հանուն տնտեսական զարգացման» ծրագիրը (ՀՀՏԶ) Եվրոպական միության նոր նախաձեռնություն է, որը գործարկվել է 2017թ. հունվարին Արևելյան գործընկերության շրջանակում: Նախաձեռնության հիմնական նպատակն է աջակցել Արևելյան գործընկերության երկրների համայնքներին և նրանց ղեկավարներին՝ դառնալու տեղական մակարդակում տնտեսական զարգացման և աշխատատեղերի ստեղծման ակտիվ նախաձեռնող՝ սեփական կարողությունների, տեխնիկական հմտությունների զարգացման և մասնավոր հատվածի ու քաղաքացիական հասարակության հետ համագործակցության ճանապարհով: Ներկայումս «Համայնքի ղեկավարներ հանուն տնտեսական զարգացման» ակումբն ունի 215 մասնակից: Սույն նախաձեռնության համար մասամբ հիմք է ծառայել հաջողությամբ իրագործված «Քաղաքապետների դաշնագիր» նախագիծը, որին Երևանի քաղաքապետարանը միացել է Երևան քաղաքի ավագանու 2014 թվականի սեպտեմբերի 9-ի հ.204-Ա որոշման համաձայն:

Կայուն տեղական տնտեսական զարգացումը գործընթաց է, որի միջոցով տեղական ինքնակառավարման մարմինները համագործակցում են գործընկերների հետ՝ բարելավելու տեղական գործարար միջավայրը և այդպիսով ստեղծելու պայմաններ մասնավոր հատվածի վրա հիմնված տնտեսական զարգացման և զբաղվածության ապահովման համար:

Միանալով «Համայնքի ղեկավարներ հանուն տնտեսական զարգացման» նախաձեռնությանը՝ համայնքները կկարողանան օգտվել աջակցման ծառայություններից, բարձրակարգ մասնագիտական օժանդակությունից, մասնավորապես.

- տեղական տնտեսական զարգացման ծրագրերի մշակման և իրագործման ընթացքում փորձագիտական աջակցություն,
- տեղական տնտեսական զարգացման բնագավառում միջազգային խորհրդատվության և փորձագետների անվճար հասանելիություն,
- հստակ նախագծերի հայտնաբերման ու մշակման օժանդակություն և աջակցություն դրանց իրականացման ընթացքում,
- ներդրումներ ներգրավելու նպատակով՝ ձեռք բերված արդյունքների հաղորդակցման աջակցություն,
- դրամաշնորհների որոնման և ներդրումային ծրագրերի նախապատրաստման աջակցություն,
- միջազգային ֆինանսական հաստատությունների և պոտենցիալ ներդրողների հետ կապի հաստատում,
- տեղական գործընկերների, մասնավորապես՝ առևտրային կազմակերպությունների, կրթական և գիտական հաստատությունների, հասարակական կազմակերպությունների ակտիվ ներգրավում,
- կապեր այլ երկրների համայնքների և արտասահմանյան գործընկերների հետ,
- արևելյան գործընկերության երկրների տեղական ինքնակառավարման մարմինների միջև համագործակցության ամրապնդում,
- աշխատակիցների փոխանակման գործիքներ, վերապատրաստումներ, ուսուցողական այցեր և թեմատիկ գործնական պարապմունքներ համայնքային աշխատակիցների և տեղական գործընկերների համար,
- համապատասխան տեղեկատվության հասանելիություն և տարածում,

«Համայնքի ղեկավարներ հանուն տնտեսական զարգացման» նախաձեռնությանը միանալով՝ Երևան քաղաքը համապատասխան օժանդակության շրջանակում հնարավորություն կունենա գնահատելու տնտեսական իրադրության բարելավման իր ներուժը, ստեղծել սեփական պահանջներին համապատասխան լուծումներ, ձեռնարկել զարգացմանն ուղղված գործողություններ և գնահատել ձեռք բերված արդյունքները:

ՀՀՏՁ անդամ դառնալու և աջակցությունից օգտվելու համար համայնքի ղեկավարը պետք է ստորագրի և ՀՀՏՁ քարտուղարություն ներկայացնի «Համայնքի ղեկավարներ հանուն տնտեսական զարգացման» նախաձեռնությանն անդամակցելու ձևաթուղթը: Այնուհետև համայնքի կողմից մեկ տարվա ընթացքում մշակվում և ՀՀՏՁ քարտուղարությանն է ներկայացվում «Տեղական տնտեսական զարգացման պլանը», որը կներառի տեղական տնտեսության վերլուծությունը, տեսլականը և նպատակները, գործողությունների պլանը, ֆինանսավորման հնարավորությունները, ինչպես նաև մոնիտորինգի իրականացման մեխանիզմները:

ՀՀՏՁ նախաձեռնության անդամակցության հետ կապված քայլերի հաջորդականության և ընթացակարգի, ինչպես նաև անդամակցությունից բխող պարտավորությունների վերաբերյալ բոլոր հարցերը քննարկվել են Հայաստանում «Համայնքի ղեկավարներ հանուն տնտեսական զարգացման» ծրագրի համակարգողի հետ **(20.04.2018թ. հ.18/29129 գրություն):**

Հիմք ընդունելով վերը շարադրվածը՝ որոշման նախագծով Երևանի ավագանու հաստատմանն է ներկայացվում Եվրոպական միության «Համայնքի ղեկավարներ հանուն տնտեսական զարգացման» նախաձեռնությանը միանալու վերաբերյալ սույն նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ԵՎՐՈՊԱԿԱՆ ՄԻՈՒԹՅԱՆ «ՀԱՄԱՅՆՔԻ ՂԵԿԱՎԱՐՆԵՐ ՀԱՆՈՒՆ ՏՆՏԵՍԱԿԱՆ ՋԱՐԳԱՑՄԱՆ» ՆԱԽԱԶԵՌՆՈՒԹՅԱՆԸ ՄԻԱՆԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐ ԸՆԴՈՒՆԵԼՈՒ ԱՆՀՐԱԺԵՇՏՈՒԹՅԱՆ ՄԱՍԻՆ

«Եվրոպական միության «Համայնքի ղեկավարներ հանուն տնտեսական զարգացման» նախաձեռնությանը միանալու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

«ԵՎՐՈՊԱԿԱՆ ՄԻՈՒԹՅԱՆ «ՀԱՄԱՅՆՔԻ ՂԵԿԱՎԱՐՆԵՐ ՀԱՆՈՒՆ ՏՆՏԵՍԱԿԱՆ ՋԱՐԳԱՑՄԱՆ» ՆԱԽԱՁԵՌՆՈՒԹՅԱՆԸ ՄԻԱՆԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Եվրոպական միության «Համայնքի ղեկավարներ հանուն տնտեսական զարգացման» նախաձեռնությանը միանալու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ